

ҮЛЭ УРУККУ РЕЖИМИГЭР КӨҮҮ ТУҢУНАН

Сайынгы сезон бүппүтүнэн сибээстээн манньыгы дьаһайабын:

1. 2000 сыл атырдыах ыйын 25 күнүттэн улуус бары предприятиелара, тэрилтэлэрэ үлэ урукку режимигэр көһөллөрүгэр

2. Улуус баһылыгы 06.07.2000 539№-дээх «Үлэ сайынгы режимигэр көһүү туһунан» дьаһалын күүһүн сүтэрбитинэн аафарга.

3. Бу дьаһал туолуутун хонтуруоллааһын тэрийэр-правовой управлениеҕа (Сивцев К.Е.) сүктэрэргэ.

Нам улуунун баһылыгы э.т. А.Н.Ядреев



Уматык-оҕунохтуур матырыйааллары харайар Арбыыгка базата баһаартан сэрэхтээх буолуута ирдэбилгэ эппиэттэбэт. Уопсайынан даҕаны манна база тэрилитигэр аналлаах үлэ-хамнас кинили барбатах.

Котельнайдарга эбии подъезднай суоллар оҕоһулуохтаахтара МУНУ ЖКХ-нан тэриллэ илик.

Нам сэл. Чернышевской 52 №-гэр 4 квартиралаах дьиэҕэ умайы сағаламмыта тута умуруорулуна.

Нам сэлэниэтигэр объектары кыстыкка бөлэмнээһин үмүрүйэр. Сотору кэминэн бүтүүн ыраастаны үлэтигэр турунулуохтаах.

Улуус киинин уулуссаларын уонна дьиэлэр нүөмүрдэрин бэрээдэктээһингэ село дьаһалтата улуус баһылыгы э.т. А.Н.Ядреевтан сорууда ылла.

Котельнайдар кыстыкка киригэ бөлэмнээһиннэр. Кинилэр госнадзор Гатилев кэлиитигэр, кини итинни биэригэ көңүлүн ылар иһин туруулаһаллар.

Улуус үрдүнэн 30 тыһ. тонна от күрүөлүнэ. Үгүс чааһынайдар уонна бааһынайдар оттоонун үлэтин түмүктээбиттэрэ ыраатта, арай тэрилтэлэр эрэ үмүрүтэ иликтэр.

Орто Халыма улуунугар 1000 тонна оту атыылааһын ситэтэ суох тэриллэр. Ваара эрэ 800 тонна курдук тизийлэр туруктаах. Үүтү туттарбыт дьоннор квитанциялара аһарыллыбакка, кэлбит харчы бэриллибэккэ сытарынан УСХ специалистара З.Е. Степанова, А.М. Моисеева улуус баһылыгы э.т. сэрэтии ылылар.

Улууска эбии 4000 куурусса атыыланара күүтүллэр.

Куораттан тахсан туттуллар эмп болдьоҕо хайдах тутууларыгар бэрэбиэркэ ытыллыбыт.

Кыра оҕо өлүүтүн боппуруоһугар Доруобуйа харыстабылын министрствота Покровской куоракка коллегия мунһабын ыһытты.

Персонафицированнай учуоту ситэтэ суох ыһытты тэрилтэлэр кини балыһа, «Нам» УПХ, Хатын Арыы дьаһалтатын сага пенсияҕа тахсыбыт үлэнигэр пенсияларын ылаллара уустугурбут. Ол курдук пенсияҕа тахсыбыттара 3 ый буолбут дьон билингэ дылы

пенсияларын ыла иликтэр.

Нам улуунугар ыччат үлэҕэ биржатын тэрийии боппуруоһа үөрэттиллэр.

Балаҕан ыйын 16-17 күнүгэр хапсаҕайга хамаанданан улуус фестивала ытыллар. Биригэстэрэ да ботуччу. Бастаабыт хамаандаҕа - холодильник, иккискэ - телевизор, үһүскэ - музыкальнай киин.

Быһый С.М. Охлопков биригэстэрэ сүүрүүгэ күрөхтөһии тэриллээхтээх.

Дьокуускай Хатаһыгар коттеждары тутууга тутуу биригээдэлэрин сүүмүрдээһин салгы ытыллар.

Уматык-оҕунохтуур матырыйаал суох буолан бурдук быһытыгар сылдыар комбайннар үлэ-лэрэ тохтуу сылдыбыт.

Орто Халыма улуус 1000 тонна от атыгыттан 750 тыһ. солк. биһиги улууспутугар укпугуттар.

Хамааттаҕа президент тахса сылдьан мунһахтааһын боро-токуола биэргэммит, итинизэхэ чугастаагы сылларга Нам селотугар культурнай-спортивнай комплексы тутуу туһунан этиллэр. Тутуу нулевой үлэлэрэ 2000 сылга сағаланыахтаахтар. Кредиторынан «Саха-Даймондбанк» буолбут.

Оптуорунньукка Покровской куоракка президент предствителэ Ю.В. Хили кытта көрсүһүүгэ А.А. Бочкарев салайааччылаах делегация баран кэллэ.

Партизанга уонна Үөдэйгэ оркуолалары тутууга генеральной бэдэрээччитинэн «Якутстрой» аманьыт. Бу нэдиэлэҕэ кини салайааччылары кэлэ сылдыахтаахтар.

Кэлэр ыйга Хағалас улуунугар Нам улуунун күнүгэр ытыллылар баһааннар.

Улуус баһылыгы э.т. А.Н. Ядреев республика правительственнай делегациятын састаабыгар кирэн Татарстан республикатын суверенитетын бэлиэтиир үөрүүлээх түмсүүгэ барыста. Бу делегацияны республика правительствотун председателэ В.М. Власов салайар. Делегацияҕа бааллар А.С. Борисов, Москвадан В.В. Качаев уонна Дьокуускайтан К.Е. Иванов.

Бэлиэтэниэ Григорий Эверстов

Ходуһа сугуна-2000



СЭТТЭ НЭҢИЛИЭК СОРУДАҔЫН ТОЛОРДО

Күүтүүлээх көмүс күһүммүт кэллэ. Улуус отчуттара сайынгы былдыаһыктаах күннэр аһаннар дьэ өрө тыһынылар. Сезон устатыгар төһө оту кэбиспиттэрин аарыналлар.

Атырдыах ыйын 21 күнүгэр кинилэр 28413 гектардаах бааһынаттан 30105 тонна оту кэбинэн, сыллаагы сорууда 86,0 %-нын толорбуттара. Нэдиэлэтээҕи былаан 106,2%-на тизрилдибитэ. Ордук үчүгэйдик ити кэм устатыгар Арбын (118,6%), Бөтүг (110,1), Таастаах (107,3) нэһиликтэрэ үлэлээбиттэрэ. 4 нэһилиэк сыллаагы соруудаҕын толорбута.

Атырдыах ыйын 25 күнүгэр сводканын улуус отчуттара 29056

гектардаах ходуһаттан 30990 тонна оту күрүөлээн, сезоннаагы сорууда 88,5 %-нын ситистилэр. Нэдиэлэтээҕи график 97,3 % туолла.

Туһааннаах кэмгэ улуус 7 нэһилиэгэ сыллаагы соруудаҕын аһарда. Тоҕус нэһилиэк графикын толордо. Кырыы Арбын нэһилиэгин хоннохтоох отчуттара сезоннаагы былааннарын 118,6, бөтүгнэр 110,1, таастаахтар 107,3% оттоотулар. Тьа хаһаайыстыбатын предприятиеларын ортолоругар «Модут» ГУП 81,3, М. Аммосов аатынан ТХПК 65,5, «Хоту» ТХПК (Үөдэй) 63,9% көрдөрүүлэни инники иһэллэр.

Бааһынай хаһаайыстыбаларын оттоонунга тэтимнэрэ балаҕа үрдүк. Ол курдук хатырыктар 128,6, үөдэйдэр 114,4, бөтүгнэр 107,4% оттоотулар. Чааһынайдар ааспыт кэм устатыгар үрдүк көрдөрүүнү ситистилэр. Арбын нэһилиэгин биригэстэрэ отчуттара былааннарын 184,0, фрунзелар 180,6, модуттар 164,9% ситистилэр.

Ааспыт нэдиэлэ оттоонун графикын арбыннар 130,4, бөтүгнэр 120,9, таастаахтар 117,9% толордулар. Тьа хаһаайыстыбатын предприятиелара 95,6, чааһынайдар 115,2% толордулар.

Улуус отчуттара хаалбыт күнүгэрэ сезоннаагы соруудаҕын толорорго дьулуһан үлэлиллэр.

БЫЛААН ТУОЛАРА ЧУГАҢААТА

Атырдыах ый 28 күнүгэрэ су-буокканын оттоонунга улууска 9 нэһилиэк нэдиэлэтээҕи графикын аһара толордо. Ити кэмгэ 6 нэһилиэк сыллаагы соруудаҕын оттоотулар. Ол курдук Хатын Арыы 134,4, Бөтүг 127,4, Модут 101,1, Арбын 118,6, Фрунзе 104,9, Таастаах 107,3 бырыһыан.

Улуус 6 тьа хаһаайыстыбатын предприятиеларыттан биригэстэрэ даҕаны сыллаагы былааннарын кыайан толорботулар. Арай Үөдэйтэн «Хоту» ТХПК, М. Аммосов аатынан ТХПК нэдиэлэтээҕи графиктарын ситистилэр.

Туһааннаах кэмгэ улуус үрдүнэн 27058 гектардаах ходуһаттан 32788 тонна от бөлэмнэнэн, сыллаагы былаан 93,7, нэдиэлэтээҕи график 102,9 бырыһыан туоллулар. Тьа хаһаайыстыбатын предприятиеларын ити көрдөрүүлэрэ 63,0, 76,7, бааһынай хаһаайыстыбалар 94,2, 102,8, чааһынай хаһаайыстыбалар 105,8, 121,5 бырыһыанга тэҥнэстилэр.

Улууска ардаҕа суох кураан күннэр тураллар. Хоннохтоох отчуттар күөх уйгуттан сомсумахтаан хааларга кыһамныларын уураллар.

В. СЫРОМЯТНИКОВ.



Үлэ үгээнэ



Слесардар: В.Осипов, А.Леонтьев

ЫАЛЛАРГА ГАЗ КИИРЭР

Р.С. Шапошников начальниктаах «Ленагаз» АО паарка учаастагар олорор ыалларга айылҕа гааһын киллэри бирайыагы бирайыактыыр бюроҕа (Г. К. Балсуков) онорторон, ыам ыйыттан бэлэмнэни үлэни ыытан, от ыйын сағатыттан үлэтин сағалаабыта.

Маастардар Р. Р. Мальцев, С. И. Луковцев салалталарынан тэрилтэ биригээдэтэ траншеялары хаһы, газ ситимин турбаларын тардыһыны сағалаабыттара. Сир үлэтигэр экскаваторщиктар Валерий Доромонов, Иван Громов 3,5 км усталаах траншеяны хастарбыттара. Газ ситимин турбаларын электрогазосварщиктар Владимир Винокуров, Владимир Дураев холбообуттара. Турбаларга слесардар Иван Лебедев, Анатолий Юмшанов, Алексей Сысолятин изоляционной үлэни төлордулар. Гаһы киллэри үлэлэригэр слесардар Владимир Осипов, Артем Леонтьев, Николай Колесов көмөлөһөллөр. Дьиэҕэ кириэр турбалар траншеяларын ыаллар бэйэлэрэ хаһаллар. Билигин уонча ыал дьиэтэ гаһы киллэрэргэ бэлэмнэннэ.

В.ВАСИЛЬЕВ



И.Громов, В.Винокуров



Тракторист В.Доромонов

Улуу с хаһыатын 65 сылын көрсө

«ЛЕНИН СУОЛА» — СРЕДНЕЛЕНСКЭЙ ОРОЙУОН ОРГАНА

Средненеленскэй оройуон «Ленин суола» хаһыатын бастагы редакторынан Ленинградтаагы үрдүкү партийнай оскуолаҕа бүтэһик курска үөрэнэ сылдьар Павел Павлович Никитин бигэргэтиллибитэ. Ол гынан баран үөрэҕин хойут бүтэрэн үлэтин атырдыах ыйын 1 күнүттэн саҕалаабыта. Редактор эбээһинэнин редакторы солбуйааччы Петр Петрович Аммосов толорбута, икки ый курдук. Кэргэнэ улаханлык ыалдьан, кэнники өлөн ыам ыйын 1 күнүттэн үлэтигэр босхолонон Бороҕонго көспүтэ. Онон редактор эбээһинэнин 3 ый мин, Еремеев В.Л. партия райкомун бюротун уурааҕынан толорбутум. Онтон 3 ый редакторы солбуйааччы эбээһинэнигэр ололорбутум. Редакторы солбуйааччынан 1963 сыл сэтинньи 21 күнүттэн Алексей Игнатьевич Ксенофонтов кэлбитэ. Онтон ыла мин тыа хаһаайыстыбатын отделын сэбиэдиссэйэ буолбутум.

Саҥа тэриллит «Ленин суола» хаһыакка бастаан эппиттир секретарынан Аким Иосифович Гоголев, сурук отделын сэбиэдиссэйинэн Иван Васильевич Хачиров, литсотруднигынан Михаил Яковлевич Колесов, корректордарынан Елена Дмитриевна Сивцева, Ульяна Ивановна Черепанова, фотокорреспонденынан Федот Слещов, машинисткаларынан Зинаида Павлова, Варвара Решетникова, шоферынан Василий Колмогоров, курьер-уборщицанан Мария Федорова үлэлибиттэрэ.

Сыл агарын иһигэр састааптыт улахан анара уларыттыта. И.В. Хачиров, М.Я. Колесов, П.П. Аммосов о.д. атын үлэҕэ барбыттар. Ол иһигэр редакторбыт П.П. Никитин «Кыым» уонна «СЯ» хаһыаттар холбоһуктаах редакцияларын отделын сэбиэдиссэйинэн өрө таһаарыллыбыта. Саҥа ананан кэлбит редактор Петр Федорович Сячиков даҕаны уһаабатаҕа, киин уобаласка көспүтэ.

1965 сыл тохсунньу ыйтан редакторынан Алексей Игнатьевич Ксенофонтов, редакторы

БИИРГЭ ҮЛЭЛЭЭБИТ ХАҢЫАЧЧЫТТАРЫМ



солбуйааччынан мин, отделлар сэбиэдиссэйдэринэн И.П. Егоров, П.П. Бестинова, литсотрудниктарынан Федор Игнатьевич Васильев, Клара Иннокентьевна Макарова, корректорынан Варвара Прокопьевна Решетникова, фотокорреспонденынан Егор Дьяконов, машинисткаларынан Мария Григорьевна Федорова балача уһундук үлэлибиттэрэ. Эппиттир секретарыт А.И. Гоголев, отдел сэбиэдиссэйэ П.П. Бестинова саастарынан пенсияҕа тахсан уурайыттар.

Редакция үлэһиттэрин эдэр ыччатынан солбуйар үлэ утумнаахтык барбыта. Учууталлар Николай Михайлович Рыкунов, Игнат Павлович Павлов, зоотехник Валентина Кирсановна Романова, орто үөрэхтээх Степан Овчинников, Владимир Ядреев, Николай Дьяконов, университеты бүтэрбит Андрей Дьяконов, партоскуола истээччилэрэ Валентина Никифорова, Инно-

кентий Осипов редакцияҕа бастагы сүрэхтэниилэрин барбыттар. Н.М. Рыкунов Гоголевы солбуйан эппиттир секретарынан, А.Г. Дьяконов, И.В. Осипов отдел сэбиэдиссэйдэринэн үлэлибиттэрэ. Кинилэр уонна С. Овчинников, В. Ядреев, К. Макарова, В. Никифорова үөрэхтэрин салҕаан үрдүк үөрэхтэммиттэрэ.

Средненеленскэй оройуонунан олодохпутуна илин энэртэн ордук хото суруйаллара. А. Го-

голев, К. Готовцев, М. Тролуков, А. Охлопков о.д. нүөмэри көтүппэккэ бэчээттэтэр курдук элбэх матырыйааллары суруйаллара. Арҕаа энэртэн А. Хачиров, П. Сивцев, М. Ядрихинская, П. Оконешиников, М. Иванов, П. Владимиров, П. Протопопов, С. Евсеев, Г. Кокорев, Д. Данилов, Е. Протопопов активнайдык кытталлара. Итинтэн да көстөрүнөн ыччат аҕыйахтык суруйара.

Средненеленскэй икки оройуон буолбутун кэннэ даҕаны, Уус-Алдан оройуонун биһиги хаһыаптыт балаҕа өр, сылы эрэ кыайбат кэмгэ сырдата ололорбута. Оттон кинилэр туспа хаһыаттаммыттары кэннэ «Ленин суола» хаһыат Нам оройуонун органын быһыытынан үлэлибиттэ. Оччотооҕуа 2000-тан итэҕэһэ суох тираһынан тахсар хаһыаттарга эрэ 4 б а л а н ы көнүллүүр сурук туруорбут-

тара. Биһиги тыһыынчаттан тахса эрэ ааҕааччылаах буоламыт, икки балаһанан тахсар «Халҕаа» киирэ сылдыбыппыт. Партия райкомун тэрийиитинэн кылгас кэм иһигэр бары бииргэ түмсэн, турунан салгыы сурутууну ытан хаһыаптыт 2000-тан тахса сурутааччылаах буоларын ситиспибит.

Хаһыаты типографията суох хайдах да бэчээттээбэккин. «Колхоз сирдьитэ», «Ленин суола» бэчээттэниилэригэр типография коллективын сыралаах үлэтин ахтыбакка хаалар сатамат. Типография хаһыат бастагы нүөмэрин бэчээттиригэр сэмэй кылааттарын киллэрбиттэри ахтар тоҕоостоох.

Бастагы наборщиктар Т. Филипповаттан, А. Барамыгинаттан саҕалаан илиилэринэн биирдии буукубаны талан, атахтарынан үктээн бэчээттир массыынанан бэчээттээн оройуон хаһыатын кизг ааҕааччыга тизрипит кырдыарас көлүнэ полиграфистар (бастагы бэчээтчиттэр, кэнники директордар) бырааттыы Егор, Петр, Афанасий Дмитриевич Егоровтар, Василий Винокуров, Конон Лебедев, Мария Егорова, Мария Аргунова, Марфа Сивцева, Варвара Данилова, Олимпиада Соловьева, Полина Колпашникова, Анисия Романова, Евдокия Захарова, Светлана Делашова, Матрена Замятина, типография директордара Н.П. Колпашников, И.К. Кривошапкин, Н.А. Лугинов, Т.Е. Сивцев о.д. үтүөлэрэ үгүс.

Кинилэр туйахтары хатаарааччылар - арыый эдэрдэр таһаарылаах үлэлэринэн үөрдэллэр. Эдэрдэр үтүөлэрэ инникитин ахтылла туруоҕа.

В. ЕРЕМЕЕВ
(Салгыыта бэчээттэниэ)

И.Сивцев коллаһыгар: хаҕастан уҥа — *Василий Лазаревич Еремеев, Екатерина Семеновна Васильева, фотокорреспондент Николай Никитич Дьяконов, редакторы солбуйааччы Иван Петрович Егоров, корректор Варвара Прокопьевна Решетникова.*

1935 «ЭНСИЭЛИ» 2000
ААСПЫТ КҮН-ДЬЫЛ АРАҔАС СЭБИРДЭХТЭРЭ...
Хаһыат страницаларынан айан

15.1.1936 с.

БАЙЫЛЫАТ ОЛОХХО ТИИЭН ЭРЭЛЛЭР
1 ХОМУСТААХ. Быйыл «Хонгордой» колхоз чилиэнэ Охулуокап В. Е. кэргэттэриниин 873 көлөһүн күннээх. Кини быйылгы дохуот үлэһигэр 284 буут бурдугу, ол иһигэр 160 буут сэлэһинэйи, 197 центнер оту ылла. Урут Охулуокап дьадаҥы «буруйугар» баайдарга хамнаска сир солуур, от охсор этэ. Билигин атын үйэ, атын олох-дьаһах буолан, кини баайдарга үлэлибэт, кини — колхозтаах. Охулуокап этэр: «мин хаһан да бачча элбэх бурдугу бас билбэтэҕим, дьол колхозка чилинэйдик үлэлииргэ баар эбит, мин дохуоппуттан 2 аты атылаһан баран биридэрин колхозпар холбоотум. Аны ыраастык, култуурунайдык олохтохпун баҕарабын, онон үчүгэй дьиэ атылаһанам этэ», — диир.

Колхозтаах Тиитэп Х. Ө. сөрүтөх бэйэтэ 487 көлөһүн күннээх, 158 буут бурдугу, ол иһигэр 88 буут сэлэһинэйи, 110 центнер оту, араас оҕуруот аһын ылла. Кини быйыл биир аты атыласта.

Сити курдук «Хонгордой» колхоз үгүс чилиэттэрэ быйылгы дохуоттара үрдэбит.

СОСТОКУОП М. (Латинский алфавитынан бэчээттэммит — редакция А. Васильев).
30.1.1936 с.

САНГААРДААҔЫ БИҢИ УДААРЫННЫКТАРЫТ

Сангар промышленноһа биэс сыллаах бэйэтин үлэлибитин устатыгар олохтоох национальнай кадрдары араас идэлээхтэри иитэтир. Колхозтартан кэлбит табаарыстар үлэ ныматыгар үөрэнэн үлэлииллэр. Ол курдук горнай сыахха сахата 70 бырыһыан, олортон бастынтан бастың удаарыныктыгар:

- Атылаһан Мэх. Миит. — Хатырык, Кокуойап Ох. Кирг. — Салбан, Охулуокап Хаб. Ох. — 1 Модут, Түмэпийэп Кир. Т. — Таастаах, Дьэдириэп Сэм. Ох. — 1 Үөдэй, Сиипсэп Дьөг. Бетүр. — Хатың арыы.

Нам оройуона бу бастың дьоннорунан киэргэл тутуох тустаах.

НАВАГААСКАЙ Н.Г.

18.02.1936 с.

САҢА СОНУН

Олунньу 14 күнүгэр 1 часка 1 №-дээх НХС дьарапалаана Нам оройуонугар тахсан оноһуллубут биэрэгэр түстэ, дьарапалааны көрөөччүлөр 100-чэ киһи мустубутун ортолоругар үөрүүлэх миитини ОСК Мөкүрдээнэп арыйда, эҕэрдэ тыла лүөчүк Кутуускай уонна ОБК сэ-

кэрэтээрэ Боппуок этилэр. Дьарапалаан оройуоннаагы буюста хаһыатын уонна БАКСК 2-с сессиятыгар СКСК Хаабыһап онорбут дакылаата бэчээттэммит хаһыатын таһаарда.

Бу дьарапалаанынан Нам бастың ууһа Боппуок көтүһэ сырытта, аны дьарапалаан Намга 5-тии хонохоно сылдыар.

4.3.1936 с.

«КЫҢЫЛ СУЛУС» КЫАЙЫҒА

1 Үөдэй «Кыһыл сулус» бэрэссэдэтэл Сирээнэп салалтатынан бастың булчуту Дьаакыбылап Миитэрэи халбаннаппакка анаан, кинини тэрийэн 1У кыбартаалга былааны 157 бырыһыан толорбута, 1 кыбартаалга 350 солк. дуоҕабарданан удаарынык Дьаакыбылап булка таҕыста.

15.3.1936 с.

5 КҮННЭЭХ БЫЛААНЫ 4 КҮНҮНЭН ТОЛОРДО

«Чомоорко» холхуос бааһынаҕа ноһуом тизийитигэр Стахаанабыскай пэтидиниэпкэни кулун тутар 2 күнүттэн ыппыта. Манна үс киһи 4 көлөнөн үлэлибиттэ. Кинилэр 5 күн 75 туюн ноһуому тизийэхтээх этилэр.

Үлэни сатаан тэрийбиттэн стахаанабыскай пэтидиниэпкэ 4-с күнүгэр дылы 77 туюн ноһуому тизийдилэр. Онон 5 күннээх былааннарын 4 күн үлэлээн 2 туюнунан аһара толордулар.

ЭРЭХЭЛЭЭХЭП Э. Э.

30.3.1936 с.

ХАҢЫАТ ҮЛЭЛЭЭБИТ

2-с ҮӨДЭЙ. «Кэнкэмэ» холхуоска баар экин хаһыатын биир да нүөмэрэ от ыйыттан ыла тахса илик. Эрэдээктэр т. Боппуок хаһыатын үлэлэтэргэ санаан да көрбөт. Холхуос бэрэссэдэтэлэ таб. Нстүүнэп истиэнэ хаһыатын эрдээктэрэ таб. Боппуобу уһугуннаран үлэлэтэригэр этэбин.

КЫРЫНЫАСКАЙ С. Дь.

6.4.1936 с.

ЭРИЙДЭ БАРДА

ТҮБЭ. Бу нэһилиэк холхуостарыгар кулун тутар 26 күнүттэн 29 күнүгэр дылы хомсомул Х сийэһин аатынан 7-с бассабыктыы ыһыыга бэлэмнэни туругун бэрэбэркалиир эрийдэ барда. Барбыт эрийдэ Курууускайа аатынан, «Хайгыалаах» уонна «Тыа арыы» холхуостарга ыһыы бороньулар, булууктара онно-манна

хаар аныгар ыһылла сыталлары булан, сарайдарга уктарда. Курууускайа аатынан колхоз салайааччылары «ыһыы сизмэтэ толору ыраас» диир ОСК-гар собуокка биэрбиттэрэ толору эппиттээбэт. Ол курдук, ыһар дьаарыңсалара муустаах, хардаах, ону эрийдэ арыһан ыраастатта, «Хайгыалаах» уонна «Соморолоһор» холхуостарга ыһыы сизмэтэ харабыла суоҕун арыһылына. Маны тэҥинэн эрийдэ «Хайгыалаах» холхуос ыһар сэлэһинэйэ 25 бырыһыана куһаҕанын арыйда.

БОППУОК С. Б.

24.5.1936 с.

ТААСТААХХА ЫҢЫЫ ХААМЫҒА

Нэһилиэк үрдүнэн маассабай туруу 15.У буолла. Онтон ыла 19.У (4) хонуктаах үлэ түмүгэр нэһилиэк үрдүнэн ыһыы 17 быр., хорутуу 45,2 бырыһ., бараналааһын 21,78 быр. буолла.

Холхуостарынан «Чарааппа» 1 миэстэни ылла. Куруууска 2-с Кэнкэмэ хаалла. Ордук көлө ырыҕана улахан мэхэй буолла. «Өктөөп уота» нэһилэ 30.У бүтэриһи, «Чарааппа», «Хардыы» 25.У бүтэрэллэр.

К-маассабай үлэ ордук үчүгэйдик саҕаланна. 5 кыһыл мундук, 8 култуурунай оту үлэлииллэр. Бастыңнар «Кыһыл Таастаах», «Чарааппа» үчүгэйдик саҕалаатылар. Уопастыбаннай аһылык үс холхуоска тэрилинэ. Сэсийэлискэйдии көмөнү «Өктөөп уота» холхуоска онорорго 19.У бүрүүдүүмнэ быһаарыы таҕыста.

У. Нь. БОРОТОПУОЛАП.

26.6.1936 с.

Ө. М. ГУОРКАЙ ЛИТЭРЭТИИРНЭЙ НЭСИЛИЭСТИВЭТИН ТУҔУНАН

БСК(6)П КК-тинэн уонна ССӨС НКС-тинэн Ө. М. Гуоркай литэртиирнэй нэселиэстибэтин уонна суруссуутун ыларга кэмиссийэ бигэргэннэ, кини састаабар кирдилэр: Стиэский (бэрэссэдэтэл), Крускуоп, Стаавиский, Гаале, Бубуноп. (ССТА).

18.1.1937 с.

ДЬЭ ХОСТОНО

Нам кылаҕырдаагы интигирээл 1936 с. сайын скалатка куруйбут бурдугун дьэ хостоото. Бу бурдук кыһынаах сайын сыһыт. Бу иһигэр 45 куул дьаарыһа бурдук сыһыан хаалта көһүннэ. Бу бурдук сыһыыт сүрүн биричинэти интигирээл сойуус сэбиэдиссэйэ Охоһоһойоп Испирдиэн кыһамыһта суоһуттан. Социалистическай бас билини буортулааччы т. Охоһоһойобу сөптөөх суут көрүүхтээх.

С. К. М.

АЛЫПТААХ, О, ОҕО СААСПЫТ!
ОЛОНХО МИҢЭТЭ ПЕГАСПЫТ
ОЛ КИНИ ЭТЭ-ТУОС АППЫТ!

Туос

Төрүт культура түһүлгэтэ



Бокуоньугу сууйуу-соуу. Бастаан көһүэ илигинэ, сууйуу, таҥыннары үлэтэ барыахтаах. Инчэҕэй таҥаһынан сууйуулар, бу үлэни аймахтартан икки кырдыас саастааҕа толорор. Эдэрдэри чугаһаппаттар. Билинги кэмгэ баатанан тампон оҕорон, онно водканы оборторон сууйаллар. Бокуоньук хараһын көрө сытар буоллаҕына, халтаһаларын аллараа баттаан сабыллыахтаах. Онтон айаһын апыт, тийһин көрдөрбүт буоллаҕына, үрүн былаатынан эбэтэр таҥаһынан сыҥаабыт-

чүмэчини туруорууну булгуччулааһынан ааҕар.

Бокуоньукка анаан ас ууруута. Кыра остуолга эбэтэр олоппоско анаан ас ууруллар. Сорох сирдэргэ аһы ахсаанын ааҕан, чорбохтоох гына биэс, сэттэ, тоҕус ас арааһын уураллар. Итилэр сөбүлүүр астары буолуохтаахтар, иһитэ-хомуоһа - бэйэтин гиэһинэрэ. Бокуоньук сытар хохуттан телевизор, сиркилэ таһаарыллар. Эбэтэр сиркилэ таһа таҥаһынан сабыллар. Уопсайынан да бокуоньук күлүгүн

үлэлиир дьонтон аҕа саастаахтара толорор. Иин устата бокуоньук төһө уһунуттан көрөн мээрэйдэнэр, дириңгэ 2 м.буолуо суохтаах, үгэс курдук 195 см. буолар. Иини биир күнүнэн хаһан бүтэриэ суохтааххын. Үһүс күнүгэр сарсыарда тийһин өҥнөөһүн диэн оҥоһуллуохтаах. Онтон тас маһын - тэбиэҕи тийһин илдьэн олордуллар. Атаҕа күн тахсар өттүн диэки буолуохтаах, ол аата бокуоньук күн тахсарын көрө сытыахтаах. Иин түгүзөр икки буруус мас ууруллар. Атах өттө арыый

чалар ол кириэһи убураан ылан баран кириэһинэн бокуоньук түөһүгэр далбаатаан кириэс охсоолор. Билинги сахалар сиркэлэни убураан быраһаайдаһар үгэстэннилэр. Бокуоньугу уоһуттан, сирэйиттэн убураан бырастыылаһы көнүллэмтэ. Бэрт чугас эрэ дьонно сүүһүттэн сыллаан ылыахтарын сөп дириллэр. Бырастыылаһар дьон күн эргирин хоту эргийэн тахсан иһэн бэлэмнэммит астан амсайаллар.

Дьийэттэн таһаары. Бастаан хаартыскатын туппут киһи бастыыр. Ол кэнниттэн веноктары таһаараллар. Онтон хаппаҕа атах өттүнэн, бокуоньугу бэйэтин эмиэ атаһынан таһааран иһэн дьийэ модоҕотугар үстэ тыаһа суох таарыйан ылаһыт. Ити аата бу дьийэттэн төннүбэтти барар диэн өйдөбүллээх буолар. Бокуоньугу буоругар атаары кэнниттэн дьийэҕэ хаалбыттар дьийэни-уоту сууйан-сотон, хомуйан тоһуйуохтаахтар, тигэх остуолун бэлэмниэхтээхтэр. Бокуоньук сыппыт сиригэр былыргылар сүгэни быраһан кэбиһээччилэр. Ол

күнүгэр буолуохтааһын баар дьонно иһитиннэриллиэхтээх. Ити хонуктары бэлиэтээһингэ ыңгыры көнүллэмтэ. Ким убаастыыр - ол кэлиэхтээх. Тоҕус хонук диэн өйдөбүл диэн сыһа. Тохсус күнэ диэн этиллиэхтээх уонна онук диэн аабыллыахтаах. 40-с күнүгэр бокуоньук дууһата орто дойдуттан букатыннаахтык арахсар диэн өйдөбүл баар. Таһаарыга, күнэрин бэлиэтээһингэ олус айманар, ытыыр көнүллэмтэ. Орто дойдуга букатын кэлбит диэн суох. Бокуоньук итини барытын истэ сытар буолан сөбүлэ-эбэт диэн тыллаахтар. Уот иччитин аһатыллыбат. Бокуоньук маһын, таҥаһын сыһын таһааран олбуор ааныгар уматыллар. Буорга кистээн баран кэлэн ити буруоҕа ыһаары-һыллыахтаах, сорох сиргэ кытыанынан тэбэнэллэр, итини уокка быраһан кэҥик сыкка сайа оҕустарыллыахтаах.

Хаһмакка кэриэстэбили биэри. Үгэс курдук бокуоньук дьонно кини туһунан ахтыы тигэх тылларын аныыр кэриэстэбиллэрин 9 уонна 40 хонуктарыгар таһаартарал-

ОРТО ДОЙДУТТАН АТТАНЫ ҮСНЭРЭ-ТУОМА

*Чугастааҕы сылларга төрөттүттэрбин, ыкса аймахтарбын, до-
ботторбун тигэх суолларыгар атаарсаммын түбүк бөбөнү
көрүстүм, элбэх мунаарар түгэһинэр баалларын эппинэн-хааммы-
нан биллим. Ол иһин (төһө да аһыырбаатарбын) дьонго наадала-
ах буолаарай диэн санаанан салайтаран бокуоньугу тигэх суолга
атаарыы сирин-туомун туһунан онтон-мантан хомуйсан ма-
тырыяал бэлэмнээтим. Бэйэм билэрбэр эбии Ытык-Күөлтэн
Р. Попов, кыраайы үөрэтээччи Е. Андросов, норуот эмчитэ Эдьи-
ий Дора о.д.а. этиилэрин, суруйууларын, такайыыларын туһан-
ным. Үп-харчы өттүнэн ыарахан кэмгэ, арыый судургу, чэпчэки
буолаарай диэн хайысханы тутустум. Биир эмэ киһи мантан ту-
һаннаһына, ол аата матырыяал сыалын ситиспитинэн аабыл-
лыа этэ.*

тан ылан үөһэ төбөтүн оройугар таһааран баайыллыахтаах. Ити кэлин ылыллыан сөп. Сорохтор бокуоньук ылгын чыҥыйатыгар алтан боробулуоханы баайан баран биир уһун муоста быһыһынан буорга баттары анһаллар. Ону ыйыталастаахха, өлүк эргэритэ, сытыыһыта бытаарар, сытасымара (трупный запах) намтыыр диэн быһаарааччылар. Былыргылар бокуоньук сытар сирин үрдүнэн истиэнэни дьөлө үүттээччилэр. Ону кэлин этин түспүт маһынан ыбылы саайан бүөлээччилэр.

Таҥнар таҥаһа. Бокуоньук бэйэтэ тыһынааһар бэлэмнэммит таҥастаах буоллаҕына, ону таҥыннараһыт. Суох буоллаҕына, сөбүлээн таҥнар таҥастарын саҕаны атыылаһан таҥыннаран, тэрийэн ытаһыт.

Сытыары. Бокуоньугу көтөҕөн атах өттүнэн бастаан, урут сыппыт хонугар киллэриллэр. Муостаҕа бэйэтин утуйар таҥаһыттан ылан эбэтэр көбүөрү тэлгээн атаҕа аан диэки гына сытыарыллар. Сирэйэ, санна эрэ көстөр гына үрүн таҥаһынан сабыллар. Икки илитин түөһүгэр кириэстии содус тутан үрүн таҥаһынан эбэтэр маарылланан баайан кэбиһиллэр. Ити кэлин көһүдэһинэ ылыллар. Ахтарын эмиэ онук гыныллар. Эдьий Дора өлбүт киһиэхэ

көрүнэр, ити хоско сэбэрэтэ олохсуян хаалар диэн санааттан итинник гыналлар. Сорохтор чүмэчини бокуоньук тутта сытарын курдук тэрийэллэр. Ити олус табыҕа суох уонна кутталлаах даҕаны. Таһара (халлаан) сырдаатаһына чүмэчини умуруннараллар. Билинги кэмгэ электрическэй да лаампа уота сөп буолар.

Түүнүн хонуу. Сырдыкка күнүс булгуччу олорулуохтаах диэн буолбатах. Кириэ-тахса сылдыһаахха сөп. Эбэтэр бокуоньук хоһун аанын аһыллар. Хараһа кини хайаан да доҕордоох буолуохтаах. Уопсайынан, улахан тыас, кэпсэтии, айдаан, күлүү таһаарыллыа суохтаах. Дуобат, саахымат, хаарты ооньуур көнүллэнэр, хаһыат, кинигэ ааһаахха, альбом көрүүххэ сөп. Түүнүн олорор дьонго кириэ-тахса чэйди, аһы сылдыаллара тэриллэхтээх. Халлаан сырдаатаһына, бокуоньук да хонугар миэстэ баар буоллаҕына, утуйан ылыллар.

Буорун үлэтэ. Бокуоньук буорун үлэтигэр тэн ахсааннаах дьонно икки, түөрт, алта буолан үлэлиэхтээхтэр. Ордук, чорбох ахсааннаах киһи көнүллэмтэ. Иин хаһыллар миэстэтин булан баран, кырсын алдыаһа иннинэ сир ийэни арыһан кириэстии таммалата-таммалата ботугураан көрдөһүллүөхтээх. Итини

кылгас, төбө өттө уһун буолар. Ити мастар быаны төттөрү субайан ыларга туһалыыллар. Сорохтор саҕа уһун үрүн таһаһы, эбэтэр соттору атыылаһан баран хоруобун үрдүгэр бүк быраһаллар. Итинник дэлэмсийи урут оҥоһуллубат этэ. Омуһаахха кириэргэ тахсарга ошон маһы икки өртүгэр олук охсон кириэс оҥоһуллар.

Маһын үлэтэ. Бокуоньук уһуна кээмэйдэнэр, атаһын төбөтүттэн төбөтүн оройугар диэри. Өссө 5 см. эбиллэр. Ити хоруобун ис сырдыга буолар. Төбө өттүн саннынан эмиэ сабырыяа содус кээмэйдэнэр. Хоруоп тас өттө арыый сиһини эс буолар. Үгэс курдук тас маһын уонна остуолбатын икки киһи биир мастар уонна көмөлөһөөччү оҕоруохтаахтар.

Бокуоньуктуун бырастыылаһы. Өлбүт киһи тулатыгар бырастыылаһа кэлбит дьону мунһан миитин оҥоһуллар. Онуоха чугас аймахтартан биридэстэрэ бокуоньук биографиятын билиһиннэрэр. Ким этиэн бадалаахха тыл бэриллэр. Маныаха үксүгэр кини үтүөтэ-өҥөтө, үчүгэй быһыыта-майгыта ахтыллыахтаах. Бокуоньук туһунан биир да куһаҕан тыл этиллиэ суохтаах. Бокуоньук сүрэхтэммит буоллаҕына, кириэстээх буолуохтаах. Нууч-

аата абаһыны албынныыр дьүһүннэрэ үһү, манна кини сыппатаҕа, сүгэ сыппыта диэн балыйаллар эбит. Таһырдыа таһааран массынаҕа атаһын кабина диэки гына тэлгэммит таһас үрдүгэр сытыараһыт. Ол аата бокуоньук сирин-дойдун көрө-көрө аттанахтаах. Арыаллыыр дьонно тэн ахсааннаах буолуохтаахтар. Доҕоро суох киһи дьийэҕэ хаалан көмөлөһүөхтээх. Маныаха массыналар суоппардара эмиэ ахсаанга хабыллаллар. Былыргылар ордук, чорбох киһи барыстаһына, ол дьыл бокуоньукка аргыс, доҕор буолан өлүөхтээх диэн аһыыргыыллар. Арыаллыыр дьонно бокуоньуктаах массына иннигэр буолбакка, кэнниттэн батыһаллар. Онуоха мэтириэттээх, кириэһигэр саайыллар хаптаһынаах, веноктардаах, наһарадалардаах о.д.а. дьонно инникилииллэр. Массынаны кэннинэн хаамтарыллыа суохтаах. Хоннуу, барыы бытаан буолар. Үс сиргэ, суоллар арахсыыларыгар тохтоон ылыллыахтаах. Дэриэбинэ ыалларын аһан баран, массыналарга олорон сөбүгэр содустук айанныыллар.

Бокуоньугу кистээһин. Буоругар тийһин хоруоптаах киһини иингэ туора быраһылыбыт мас үрдүгэр ууруллар уонна күнү утары эргийэн бырастыылаһаһыт, эмиэ миитин оҥоһуллар. Ити кэнниттэн түөрт киһи быанан түһэрэр. Атах өттө бытааннык урут түһүөхтээх. Быт түмүгэ суох буолуохтаах. Тас маһын - тэбиэҕин сабан баран илдэ таһаарыллыбыт таҥаһынан сабыллар уонна баар дьон бары буор ытыһан кутан аһаллар. Көмөн бүтэн баран бырастыылаһы аһа диэн биирдии үрүүмкэ иһэллэр уонна иһит түгүзөр бокуоньукка анаан ордоруллар, атын да ас эмиэ ууруллар.

Бокуоньук тигэх остуола. Дьийэҕэ кэлэн баран бокуоньук тигэх остуола тэриллэр. Оһно итирэр, ылыыр-туойар, үрүүмкэни охсуһуннарар көнүллэмтэ. Кэпсэтии наар бокуоньук туһунан буолуохтаах. Эмиэ кини туһунан үтүө өйдөбүл, ахтыы оҥоһуллар. Тоҕус, түөрдүү күнэ хаһыс

лар. Маныаха кинилэр хайаан да 9-с уонна 40-с хонугун көрсө эбэтэр итилер иннилэриэ хаһмакка таһаарта саҥааччылар. Итиннэхэ суруллубут сокуон баара биллибэт эрэри, эрдэ таһаарары үгүстэр аһыырбааччылар. Оһно ити хонуктар кэннилэриттэн тахсара ордук курдук.

Таарыччы кылабыһалар тустарынан тохтоон аһымаһын баардым. Ханнык баһар кыра да, улахан да нэһилиэнньэлээх пууннар кылабыһалара ытыктанар, дьон-сэргэ сүгүрүэйи аһар сирдэринэн буолуохтаахтара саарбахтаммат. Киин уобаластар, туспа дойдулар кылабыһалара мусуойга тэннээхтэр, киһи күнүктээн сылдьан көрөр-истэр, кэрэһиэр сирдэрэ буолаллар. Бу оҥоһуулар сиздэрэһин, сибэккитэ элбэһин, ырааһын баһаһын! Оттон биһиэннэрин ылан көрүөбүн. Сүөргү көстүү, бэстилэнэй хартыына. Дьининэн, манна диэн эттэххэ, букатын кэлбит диэн суох, бары да орто дойдуттан аттанар аартыкпыт, ытык сирбит буолуохтаах этэ дии - кылабыһа. Сыл аһы кылабыһалары сөргүтэр, бэрээдэктир туһунан улус баһылыга, санитарнай ыраастаны сулуспата этэн ахан бизэрэллэр да, өссө ыһыллан-тоғулан иһэр курдуктар. Нэһиликтэр баһылыктара, общественной тэрилтэлэр хаһан өйдөрүгэр-санааларыгар оҕустаран, сүрэхтэригэр-быардарыгар ыһынан ылсыахтара эбитэ буолла?!
Бокуоньук уңуоһун эргити. Кыраайы үөрэтээччи Егор Андросов, норуот эмчитэ Эдьий Дора этиилэринэн бокуоньук уңуоһун үс сыл иһинэн эргитиллэхтээх. Ону билигин хайаан да сыл иһинэн оҥоһуллуохтааһын курдук сыһа өйдүүллэр. Бокуоньук өлбүт төгүрүк сылын, эбэтэр үс сылын бэлиэтээһини адьас сыһанан ааһаллар. Өлбүт киһини наһаа ыатары кэлин куһаҕанынан дьайар диэн ааттыыллар.

Григорий ЭВЕРСТОВ



тан уһултараргытын умнуман.

2000 сыл алта ыйын устата Саха Республикатыгар суол быһылааныгар 5 оҕо өлбүт, 74 оҕо эчэйи ылбыт. Суол быһылааныгар оҕо өлүүтүн, эчэйиитин ахсаана аччаабат, суол быһылаанын ахсааньттан

ТЕХКӨРҮҮНҮ БАРАРГА ТИЭТЭЙИҢ!

Атырдьах ыйын 18 күнүттэн 28 күнүгэр диэри барыта 7 итирик туруктаах киһи тутулунна. 117 ыстатыйанан (уруулга итирик туруктаах олоруу) Намтан Винокуров В.Н., Нефедов О.Г., Арбынтан Колесов А.И. мээрэлэниилэр. Массына ыьтар бырааба суох уруулга итирик туруктаах олоруу иһин (120 ыст.) Намтан Чумаевскай С.И., Савинов Р.Е., Крынков Б.Я., Хамафаттаттан Захаров А.Р. ыстырааптанылар. Бу 10 күн устата барыта 34 административнай боротукуол толорулунна.

23, 74 бырыһанын ылар. Ово суолга эчэйиитин сүрүн төрүөтүнэн оворлоҕо суол быраабылатын үөрэти мөлтөө, оворлоҕо быраабыланы билбэттэрэ, транспорт айанныыр суолунан сылдыһылар, суоппардар суолга сэрэвэ суох айаанаһынара буолар. Статистика көрдөрөрүнэн оворлоҕо эчэйиилэрэ ордук ыам ыйыттан алтынны ыйга диэри тахсар.

Сылын аайы ытыллар «Болдойун, оворло!» операция суол быһылаанын уонна оҕо суолга эчэйиитин ахсаанын аччаттар. Атырдьах ыйын 25 күнүгэр диэри республика үрдүнэн «Болдойун, оворло!» диэн профилактической операция бара турар. Бу кэм устата улустарга оҕо суолга сэрэхтээх буолуутугар ураты болҕомто ууруллуо.

В. РЫКУНОВА,
ГИБДД штаты таһынан инспектора

Саха Республикатын суверенитетын 10 сыла туолуутун көрсө хапсаҕайга ытыллар улуустаагы фестиваль балаһыанньата

Фестиваль ытыллар күнэ, миэстэтэ - балаҕан ыйын 15-16 күнүгэр, Нам с.
Фестиваль кыттыылаахтара:
1986-87 сс. (13-14 саастаах уолаттар). Ыйааһыннара: 40, 45, 50, 55 уонна итинтэн үөһэ кр.
1984-85 сс. (15-16 саастаах уолаттар). Ыйааһыннара: 45, 50, 55, 62 уонна итинтэн үөһэ кр.
Улахаттар ыйааһыннара: 55, 62, 70, 80 уонна итинтэн үөһэ кр.
40-тан үөһэ саастаах ветераннар ыйааһыннара: 60, 70, 80 уонна итинтэн үөһэ.
50-тан үөһэ саастаах ветераннар ыйааһыннара: 60, 70, 80 уонна итинтэн үөһэ.

Наҕараадалааһын: бириистээх миэстэлэри ылбыттар дипломнарын уонна сыаналаах бириистэринэн наҕараадаланаллар. Кыайыт хамаандаҕа холодильник туттарылар. Иккис миэстэлээх хамаандаҕа телевизор, үһүс миэстэлээххэ - музыкальнай киин.
Кыттыыга сайаапкалары улуус дьаһалтатын спортка комитетыгар кэлэн эбэтэр 21-700 тел. биэрэҕит. Фестивальга кыттар хамаандалар манньк докумуоннары түһэрэллэр:
—сайаапка медицинскэй тэрилтэттэн бэчээттээх, врач иди баттааһынаах буолуохтаах;
—үөрэнээччилэр төрөөбүттэрин туһунан сибидиэтэли-стибэлээх уонна үөрэнэр сирдэриттэн ыстыраапкалаах эбэтэр паспорттаах, оскуола бэчээтинэн бигэргэммит хаартыскалаах буолуохтаахтар.

Спорткомитет

«Аргысмедстрах» — Россия чулуу фирмаларын ахсааннарыгар киридэ

Дьокуускай «Аргысмедстрах» фирма 15 миэстэни ылан Россия 100 бастың страховой компанияларын ахсааннарыгар киридэ диэн Саха информатсионнай агентствотыгар генеральной директор Егор Борисов биллэрдэ. РФ Үпкэ министрствотын страховой надзорга департамена 1999 сыл түмүгүнэн бастыңнары икки тыһыынча страховой компаниялартан быһаарбыта. «Аргысмедстрах» республика эмитир-профилактикалыыр учреждениеларыгар медицинскэй өнөлөрү онорууга 286 мөл. солкуобайы ыппыта. Саха страховый компаниятын иннигэр «Спасские ворота-М», «РОСНО-М», «Аско-мед», «Макс-М» курдук фирмалар түстүлөр.

СИА

РЕДАКТОРЫ СОЛЬ Г.К. ЭВЕРСТОВ
ОТДЕЛЛАР: информация, сурук, төрүт культура, иллюстрация уонна реклама (секретариат) — 21496; бухгалтерия — 21332; факс — 21332; «НАМ» ТРК — 21632; редакционной издательской система — 21141

Тэрийэн таһаарааччылар: СР Правительствота, Нам улуунун дьаһалтата, редакция коллектива. Маассабай информация средстволарын туһунан РФ Сокуоннарын тутуһууну хонтуруоллуур уонна регистрациялыыр РФ бэчээккэ Госкомитетын СР региональной управлениетыгар регистрациялам-мыт нүөмэрэ — 110085.
Сурукка ааккытын-суолгутун, үлэҕитин, дьиэҕит аадырыһын чопчу ыйың.
Автор этэрэ хаһыат санаатыннын мэлдьи биһир буолбат.
“ЭНСИЭЛИ” - Нам улуунун хаһыата.
678380, Саха Республикага, Нам с., Октябрьскай уул. 1.
E-mail: editor62@sakha.ru

Талылына уонна таһылына “Энсиэли” хаһыат редакционной-издательской систематыгар.
Хаһыат Дьокуускайга “Сахаполиграфиздат” НИПК бэчээттэни, Орджоникидзе уул. 38. Формата А3. Кээмэйэ 1,0 бэчээт. лис.
Индекс — 54889. Тираһа — 2096
Бэчээккэ илии баттанна — 12.00 ч. 30.08.2000
Сахааһын №-рэ — 99

Уважаемые жители Намского улуса!

Намский участок Якутского отделения Энергосбыта АК «Якутскэнерго» обращается к Вам за поддержкой в нелегкое для нашей отрасли время. Сегодня энергетика Намского улуса стоит перед лицом серьезных проблем. В период подготовки к отопительному сезону мы входим без уверенности, что нам удастся преодолеть грядущий зимний период без аварийных ситуаций, так как средств для проведения ремонтной компании в энергосистеме нет, также нет средств для закупки и накопления зимнего топлива.

Общая задолженность потребителей Намского улуса перед Намским участком Энергосбыта составляет 8210,8 тыс. рублей и за последнее полугодие возросла на 28%. Самые крупные должники за электроэнергию:

1. УПХ «Нам» - 995,6 тыс. рублей
2. ГУП «Модут» - 617,1 тыс. рублей
3. СХПК М.К. Аммосова - 243,0 тыс. рублей
4. КП «Уөдэй» - 122,5 тыс. рублей
5. КП «Хатын Арыы» - 199,6 тыс. рублей
6. КП «Партизан» - 70,0 тыс. рублей
7. КП «Маймага» - 72,3 тыс. рублей
8. Намское педучилище - 57,7 тыс. рублей
9. ООО «Алаһа» - 36,7 тыс. рублей
10. Население улуса - 5265,5 тыс. рублей

На эти деньги энергосистема могла бы провести ремонтную компанию, подготовить оборудование к зиме и обеспечить надежное энергоснабжение предприятий, организаций и жителей Намского улуса.

Практика показывает, что уведомление и увещание на злостных неплательщиков не работают. Единственный действенный инструмент - это жесткие меры по отношению к тем, кто не платит за электроэнергию - ограничения и отключения электроэнергии. В условиях роста цен на топливо (газ, уголь, маут) других мер для обеспечения нормального энергоснабжения Намского улуса не существует.

Мы годами исправно выполняем свои обязательства перед потребителями и вправе ожидать, чтобы такое же отношение было и к нашей продукции - электрической и тепловой энергии, и к нашему труду. Сегодня мы еще раз напоминаем всем должникам - «долг платежом красен»!

Если сегодня мы не решим эту проблему, то с наступлением холодов решать ее придется совершенно в других условиях.

Мы не хотим, чтобы из-за халатного отношения вышперечисленных должников-потребителей мерзли наши семьи, чтобы дети учились в неотапливаемых помещениях. Сегодня настало время спросить с тех, из-за кого жизнеобеспечение Намского улуса может быть поставлено под угрозу.

Мы обращаемся к нашим должникам - подумайте о будущем, заплатите за свет и тепло!

Все вопросы по графикам отключений и ограничений в подаче электроэнергии вы можете узнать по адресу: с. Нам ул. Строительная № 59, телефон: 2-15-44 Намский участок Якутского отделения Энергосбыта

НАМ УЛУУЗУН ТЭРИЛТЭЛЭРИН, ПРЕДПРИЯТИЕЛАРЫН САЛАЙААЧЧЫЛАРЫН ИСТИЛЭРИГЭР

Энергосбыт Намнаагы учаастага 2000 сыл балаҕан ыйын бастахы декадатыгар электроэнергияны туһаныыга иэстээх манньк тэрилтэлэри электрическэй ситимтэн араарар (бастахы колонка - иэстээх тэрилтэлэр ааттара; иккис колонка - иэһэ тыһыынча солкуобайынан):

Нам с. дьаһалтата	14,5
Бөтүн с. дьаһалтата	1,0
Модут с. дьаһалтата	4,5
Партизан с. дьаһалтата	1,1
Салбан с. дьаһалтата	1,4
Таастаах с. дьаһалтата	1,2
Түбэ с. дьаһалтата	3,0
Фрунзе с. дьаһалтата	1,4
Хатын Арыы дьаһалтата	3,5
II Хомустаах дьаһалтата	7,4
Социальной хааччыйыы киинэ	1,6
Үөрэх управлениета	1,7
Доруобуйа харыс. упр.	17,0
Нам ОСТО	1,2
Нам УлусПО	140,8
«Якутгазпром» АО	21,3
«Түбэ» СХПК	15,6
«Аа-дьуо» б/х	2,2
«Хоту» СХПК	44,3
«Чуохаан» ООО	1,6
«Радан» ООО	0,5
«Сэргэ-96» ООО	1,6
«Сулус» б/х	2,7
«Үрүн ас» СХПК	11,6
«Сэкир» ПК	1,5
«Күндүл» б/х	1,6
«Харыйалаах» ПК	4,3
«Кырдал-99» ТВ	0,8
Нам прокуратурата	2,8
Намнаагы суут	3,2
ГУП ТЦ ТР	16,7
Нам лесхоһа	1,0
НПУ	27,7
Айылҕа харыс. комитетта	1,1
Почтовой сибээс	1,4
ОГПС-18	24,1

Төлбүрү оҕорботоҕторун иһин манньк тэрилтэлэр уоттара араарылынылар:

«Нам» УПХ	995,6
«Модут» ГУП	617,1
М. Аммосов аатынан СХПК	243,0

«Якутскэнерго» АК энергосбытын Намнаагы учаастага

«САХА ЛЭППИЭСКЭТИН КҮНЭ» БЫРААҤЫННЫЫК ПРОГРАММАТА

«Саха национальнай куукууната күнүн» ыьтар туһунан улус баһылыгы э.л. А.Н. Ядрев дьаһалтыгар олоҕуран 2000 сыл балаҕан ыйын 15 к. ытыллар «Саха лэппиэскэтин күнэ» бырааһынныык манньк программалаах ытыллыа

Улуус оскуолаларыгар бу күнэ аналлаах кылаас чаастарын ытыты;

«Саха лэппиэскэтин күнэ» бырааһынныыгы бары нэһиликтэргэ тэрийэн ытыты;

2000 с. балаҕан ыйын 15 к. кырдьаҕастар балаҕаннарыгар 12 ч. бырааһынныыгы аһыты;

«Сандалы» остолобуой иннигэр аты-быстапка үлэлир. Маньаха улус нэһиликтэрин дьаһалталара, Нам с. дьаһалтата уонна президент араҕаччылыыр баһынай хаһаайыстыбалара кыттыыны ыталлар.

Түмүгү таһаарыты.

Комиссия

БИЛАЭРИИЛЭР РЕКЛАМА

СХПК «Нам быаһа» хортуоппуйу уонна оҕуруот аһын бары коллективнай, баһынай уонна кэтэх хаһаайыстыбалартан соҕотуопкалыыр, кэлэн дуоҕабардаһың. Үлэлир чааһа 9-18 ч. диэри.

Телефон 22-7-54, Чернышевской уул. 57, «Айан» ООО хонтуората

Продается: 3-х комн. квартира в сельхозхимии. 40 т.руб. (торг), УАЗ бортовой 86 г.в., УАЗ тентовый 88 г.в.

Контактный телефон: 22-6-88

Продаю УАЗ-охотник 1997 г.в. в отличном состоянии, цена 75 тыс. рб.

Тел. 24-9-48.

Принимаем от населения лом цветного металла. Обращаться в магазин «Весна» по ул. Чернышевского, 34.

Намскому управлению ЖКХ срочно требуются на временную работу рабочие пилорамного цеха и лесоделальны. Оплата по договору.

1978 с. ыам ыйын 18 к. Намнаагы ИДьУО-и Назаров Афанасий Петрович аатыгар бэриллибит I-СН № 710328 С №-дээх паспорт сүппүтүнэн дьингэ суодунан ааһыллар.

Считать недействительными утерянные документы: техпаспорт серии 14-ЕВ №154703 выданный ГАИ г. Якутска на имя Жиркова Дмитрия Семеновича; доверенность на имя Эверстова Владимира Ивановича № 521088.

Считать недействительным военный билет НЧ № 1779822 выданный 18 декабря 1978 года Намским РВК на имя Сивцева Владимира Ивановича.

Каморникова Вера Виссарионовна аатыгар Дьокуускай к. байыаннай комиссариатынан бэриллибит НЧ 2412119 №-дээх байыаннай билиэт сүппүтүнэн дьингэ суодунан ааһыллар.

Продаются новая мужская кожаная куртка отличного качества на натуральном отечественном меху размер 48-50, цвет черный, фасон типа «комиссар»; новые мужские оленьи унты, очень красивые, с орнаментом, р. 39; мотоцикл «Урал» без документов, пробег 3000 км. На все торг, на мотоцикл возможны варианты. Осуществляем доставку.

Контактный тел. 22-6-43.

Правление Намского улуспо доводит до сведения населения, что в связи с установкой нового хлебопекарного оборудования и завершением пуско-наладочных работ с 16 августа допущены случаи ухудшения качества хлеба. Правление приносит извинения за выпуск продукции, не соответствующей технологическим требованиям. В настоящее время правление УПО проводит работу по устранению неполадок и совершенствованию технологических процессов производства.

Күндү көргөһүм, аҕам	СИВЦЕВ Данил Русланович
эдэр сааһыгар хомолтолоохтук күн сириттэн барбытын дьириник курутууан туран бары аймахтарыбытыгар, билэр дьоммутугар иһитинэрэбит.	Көргөһү, оҕото
Күндү сиэним, уолум, убайбыт, бырааппыт	СИВЦЕВ Данил Русланович
эдэр сааһыгар хомолтолоохтук өлбүтүгэр көргөһүм, оҕотугар, бары аймах-билэ дьонноругар, дьоботторугар дьирин куруттаммытын тиэрэбит.	ПОПОВА Зара Ивановна
Эбэтэр, араата, эдьийдэрэ, убайдара, күтүөтэ, санаһа, бырааттара, балыстара	Д.И., Е.Н. Винокуровтар
Маймага олохтоох дьаһалтата	СИВЦЕВ Данил Русланович
хомолтолоохтук күн сириттэн барбытын аҕатыгар, эбэтигэр, биһиргэ төрөөбүттэригэр, аймахтарыгар дьирин куруттан тиэрэбит.	ПОПОВОЙ Зарина Ивановна
Выражаем глубокое соболезнование родным по поводу кончины близкого друга наших родителей	Выпускники 10"б" класса. 1968 г. НСШ
АРБАТСКОГО Леонида Васильевича. Кривошапкины, Тумановы, Зайцев А.А.	

РЕДАКТОРЫ СОЛЬ Г.К. ЭВЕРСТОВ
ОТДЕЛЛАР: информация, сурук, төрүт культура, иллюстрация уонна реклама (секретариат) — 21496; бухгалтерия — 21332; факс — 21332; «НАМ» ТРК — 21632; редакционной издательской система — 21141